



**A Agrupación Deportiva Natural de Ribadavia convoca a tódolos seus socios ós campeonatos sociais de salmónidos lance e salmónidos mosca da tempada 2019 que se celebrarán o vindeiro domingo 21 de abril no Couto de Pesca de Ribadavia, baixo as seguintes BASES:**

### **PARTICIPACIÓN**

- Poderán participar tódolos socios que se inscriban antes da data límite de inscrición e que estean ao corrente de pago da cuota anual de socio.
- Os catro primeiros clasificados de cada modalidade serán os representantes do club nos campeonatos provinciais que terán lugar:
  - Salmónidos lance o domingo 5 de Maio no Couto de Ribadavia (Rio Avia).
  - Salmónidos mosca o domingo 19 de Maio no Couto do Barbantiño (Rio Barbantiño).
- A partir do 5º clasificado quedarán de reservas para substituir os clasificados en caso de que non poidan asistir.

### **ESCENARIOS E HORARIOS**

- Desenvolverase no Couto de Pesca de Ribadavia (Rio Avia): Os escenarios estarán divididos en tramos que terán unha dimensión mínima de 300 mts.
- **A modalidade de lance disputarase pola mañá e a de mosca pola tarde.**
- A concentración para os participantes na modalidade de lance será ás 07:30 horas no Bar-Restaurante "A Quinza" para realizar o sorteo de tramos e orde de participación. Disputarase unha única manga pola mañá. Pescarase en 2 fases de 2 horas duración: 1ª Fase de 08:45 a 10:45 h., 2ª Fase de 11:15 a 13:15 h. Deste xeito cada pescador pescará e controlará unha fase. Haberá un periodo de 30 min. tras o remate da 2ª fase para que cada participante entregue a súa plica no lugar de concentración, é dicir ata as 13:45 h.
- A concentración para os participantes na modalidade de mosca será ás 15:00 horas no Bar-Restaurante "Josiño" de Beade para realizar o sorteo de tramos e orde de participación. Disputarase unha única manga pola tarde. Pescarase en 2 fases de 2 horas duración: 1ª Fase de 16:00 a 18:00 h., 2ª Fase de 18:30 a 20:30 h. Deste xeito cada pescador pescará e



controlará unha fase. Haberá un periodo de 30 min. tras o remate da 2ª fase para que cada participante entregue a súa plica no lugar de concentración, é dicir ata as 21:00 h.

- O día e escenario de reserva establecido en caso de que non se poida disputar a competición no día previsto é o sábado 27 de abril nos tramos libres de pesca sen morte do río Avia mantendo as mesmas bases.

## **NORMAS DE DESEÑO**

Como **normas xerais** seguiranse as reflectidas no Regulamento de Competicións da FEPyC, entre as que destacamos as seguintes:

- O campeonato disputarase baixo a modalidade sen morte.
- En cada manga a metade dos participantes pescarán na 1ª fase sendo controlados pola outra metade según determine o sorteo. Os que controlen na 1ª fase pescarán na 2ª fase e sendo controlados polos que pescaron na 1ª.
- O tramo asignado poderá ser utilizado dentro das normas habituais deportivas podendo pescar dende a beira ou dende a auga.
- É obrigatorio o uso de sacadeira dunha lonxitude máxima extendida de 1,22 m. e as pezas capturadas deberán presentarse ó control dentro da mesma para que este a recolla e a mida.

## **Normas específicas da modalidade de lance:**

### Material permitido:

- Liñas: Exclusivamente de monofilamento nos seus diferentes tipos e grosos. Non se permite engadir materiais distintos ás moscas.
- As boias ou buldós: serán esféricas ou ovoides, con ou sen emerillón, que permitan ou non o seu enchido e baleirado de auga; estarán exentas de recubrimiento e deberán estar fixas á liña ou baixo de liña sen ser deslizantes e deberán ir sempre flotando de modo que permitan claramente ser vistas.
- Cebos (Só señuelos): Culleriñas xiratorias ou ondulantes simples en calquera das súas versións e provistas dun só anzol pero sen plumas, pelos, la, etc. A culleriña poderá levar anexado un emerillon/quitavoltas. Un máximo de 3 moscas colocadas indistintamente diante, detrás ou repartidas por encima ou debaixo do buldó e con características idénticas



ás especificadas para a pesca a mosca con cola de rata. A distancia entre moscas será discrecional, podéndose colocar estas á distancia que se desexe. Cando as moscas estean dispostas por baixo do buldó, o baixo nunca poderá ser superior á medida da cana en uso (distancia máxima de cana 12 pés - 366 cm).

### **Normas específicas da modalidade de mosca:**

#### Material permitido:

1. Canas. Libres, de uso comercial, cuxa lonxitude non exceda de 366 cm. (12 pes).
2. Carretes. De uso opcional sexa manual ou automático, de bobina xiratoria.
3. Liñas. Cola de rata de calqueira composición ou forma das habituais do mercado, cunha lonxitude mínima de 22 metros e un diámetro mínimo de 0,55 mm.

#### *Permítese:*

O uso de liñas flotantes e de afundimento.

#### *Non se permite:*

- a) As cabezas disparadoras ou lanzadoras.
  - b) Engadir pesos e dispositivos ou materias flotantes ás liñas de pesca nin indicadores de picada.
  - c) O uso de liñas de corpo plomado.
4. Baixos de Liña. **Sinxelos, de lonxitude como máximo dúas veces a lonxitude da cana,** anudados ou sen nós, e cónicos ou cilíndricos. Non se poderán engadir ó baixo de liña mecanismos de afundimento ou flotación. Os baixos de liña non poden ter elementos adicionais adheridos ó mesmo distintos ós codais que soporten os reclamos. Estes codais deberán ir fixados ó baixo de liña, anudados ó mesmo ou mediante microargolas sen sobranse algún, e deberán ter una lonxitude mínima de 5 cm. dende o baixo de liña ata a argola ou paleta do reclamo empregado (mosca, streamer, etc...). Os codais dos reclamos fixaranse ó baixo de liña de modo que non poidan deslizarse ó longo do mesmo.
  5. Cebos (Moscas). Autorízanse o “streamer” e ata 3 moscas artificiais flotantes ou afundidas como máximo, que imiten calquera das fases do ciclo vital do insecto imitado (larva, ninfa, sub-imago e imago), montadas sobre anzois simples e con unha distancia mínima de 50 cm. entre moscas cando estas colguen libremente.



## **PUNTUACIÓN E CLASIFICACIÓN**

- Consideraranse **capturas válidas** as que alcancen unha talla mínima de **17 cm. sempre medidos dende a punta da boca ata a punta da cola.**
- As capturas anotaranse nas tarxetas que serán facilitadas pola organización ao efecto e serán asinadas polo pescador e polo control ao finalizar a fase de pesca. A tarxeta conta con 10 casillas nas que se ira anotando por orde a talla de cada captura en mm.
- A clasificación de cada manga realizarase por orde da puntuación obtida tras aplicar 100 puntos por peza capturada, máis os correspondentes a súa lonxitude en cm. elevada ao cubo e dividida entre 100.
- A clasificación final farase de maior a menor puntuación na manga.

## **PREMIOS**

- Habrá trofeos para os 3 primeiros clasificados. As entregas de premios realizaranse ás 14:00 h. para lance e ás 21:30 h. para mosca.

## **NOTAS**

- Hai a opción de comer no Bar-Restaurante “Josiño” de Beade, para quen o desexe, pero deberá ser pagada por cada participante.
- A inscrición dos pescadores participantes deberáse realizar antes das 21:00 h. do mércores 17 de Abril de 2019 e poderán facélo chamando a o móvil 699 954 985 ou por e-mail a: [gabriel@adnpescaRibadavia.es](mailto:gabriel@adnpescaRibadavia.es). Deberá confirmarse tamén a asistencia á comida.

*Ribadavia, 10 de Abril de 2019*